

請自今凡奉命使臣暨公差之官支供之式皆用常小器飯
食湯數只設數品多亦不過四五器自監司兵水使身先儉
約嚴禁各邑各鎮如有違者懲治不饒○日微暈○甲辰諫
院啓曰會寧賊路要衝防備諸事不可一日少緩況今城中
疫癘大熾人物死亡者相繼為主將者所當極力救療嚴加
防備前府使林千孫以衙中所率之人染病多死故欲移避
去鎮出來雖墜馬輻傷固當即還本鎮托稱病重終不還鎮
期於必違累朔空鎮備禦解弛不至乘虛生變幸矣千孫托
病空鎮之罪不可不懲請拿來推考荅曰如啓○日暈○乙
巳夜東方南方有氣如火○丙午日本國使安心東堂來獻方
物 上御思政殿領議政尹殷輔左議政洪彥弼右議政尹仁
鏡禮曹判書金安國左贊成柳灌左叅贊權撥禮曹叅判
宋麟壽叅議趙士秀入侍 上曰客使若於禮曹宴享時為
某言則朝廷因此議處為當云故予亦以為然今聞羅世績
之言商倭先入歸本國若播此事則必罪妻子客使以此不